

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Službe za zajedničke poslove, Vlada Zeničko-dobojskog kantona, na 82. sjednici, održanoj dana 30.10.2020. godine, d o n o s i

ZAKLJUČAK

I.

Prima se na znanje Informacija o realizaciji Zaključka, broj: 02-11-9532/20 od 09.06.2020. godine i izvršenju Sporazuma, broj: 14-11-4-5322-12/20 od 15.06.2020. godine, o prijemu, skladištenju i raspodjeli prehrambenih artikala za potrebe boračke populacije u svrhu ublažavanja posljedica pandemije, koja čini sastavni dio ovog zaključka.

II.

Zadužuje se Služba za zajedničke poslove i Kantonalna direkcija robnih rezervi da izvrše odmah isporuku 332 prehrambena paketa za potrebe boračke populacije, prema zahtjevu Ministarstva za boračka pitanja, broj: 13/03-2-1-11-5322-19/20 od 22.10.2020. godine.

III.

Zadužuje se Ministarstvo za boračka pitanja da najkasnije deset dana po donošenju zaključka izvrši prijem preostalih količina prehrambenih artikala nabavljenih za potrebe boračke populacije u svrhu ublažavanja posljedica pandemije.

IV.

Za realizaciju ovog zaključka zadužuju se Služba za zajedničke poslove, Ministarstvo za boračka pitanja i Kantonalna direkcija robnih rezervi, svako u okviru svojih nadležnosti.

V.

Zaključak stupa na snagu danom donošenja.

PREMIJER
po ovlaštenju

Mirnes Bašić

Broj: 02-_____/20
Datum, 30.10.2020. godine
Z e n i c a

DOSTAVLJENO:

1x Služba za zajedničke poslove,
1x Ministarstvo za boračka pitanja,
1x Kantonalna direkcija robnih rezervi,
1x a/a.

INFORMACIJA
o realizaciji Zaključka, broj: 02-11-9532/20 od 09.06.2020. godine
i izvršenju Sporazuma, broj: 14-11-4-5322-12/20 od 15.06.2020. godine,
o prijemu, skladištenju i raspodjeli prehrambenih artikala za potrebe boračke populacije u
svrhu ublažavanja posljedica pandemije

Oktobar, 2020. godine

Odlukom o preraspodjeli rashoda u budžetu Zeničko-dobojskog kantona za 2020. godinu, broj: 02-11-5010/20 od 27.03.2020. godine, Službi za zajedničke poslove su preraspoređena sredstva u iznosu od 300.000,00 KM sa pozicije Ministarstva za boračka pitanja.

U skladu sa naprijed navedenom Odlukom i Zahtjevom Ministarstva za boračka pitanja za nabavku prehrambenih artikala za braniocce, broj: 13/03-3-2-11-278-3/20 od 07.04.2020. godine, na prijedlog Službe za zajedničke poslove Vlada kantona je donijela Odluku o dopuni Odluke o usvajanju Plana javnih nabavki Zeničko-dobojskog kantona za 2020. godinu, broj 02-11-5588/20 od 16.04.2020. godine. Navedenom Odlukom odobreno je provođenje postupka nabavke prehrambenih artikala za potrebe boračke populacije u svrhu ublažavanja posljedica pandemije.

Dana 12.05.2020. godine, po okončanju otvorenog postupka nabavke uz predviđeno provođenje e-Aukcije, na preporuku Komisije za javne nabavke direktor Službe za zajedničke poslove je donio Odluku o izboru najpovoljnije ponuđača, broj: 14-11-4-5322-8/20, ponuđač MADI d.o.o. Tešanj, sa cijenom 235.643,00 KM bez PDV-a.

Kako je Služba provela postupak nabavke, a nije raspolagala prostorijama za skladištenje prehrambenih artikala, zatražila je odobrenje Vlade Zeničko-dobojskog kantona na zaključenje Sporazumom sa Kantonalnom direkcijom robnih rezervi, u čijim prostorijama bi bio izvršen prijem, skladištenje i raspodjela cca 353,8 tona prehrambenih artikala i to:

1. 12.200 komada brašna pšeničnog tip max 710 (pakovano u vreće po 25 kg),
2. 18.300 komada jestivog ulja po 1 litar (pakovano u PVC bocama),
3. 6.100 komada kuhinjske soli po 1 kg (pakovano u PVC vrećicama),
4. 12.200 komada šećera sitnog po 1 kg (pakovano u PVC vrećicama) i
5. 12.200 komada riže po 1 kg (pakovano u PVC vrećicama).

Zaključkom, broj: 02-11-9532/20 od 09.06.2020. godine Vlada je dala saglasnost na zaključenje Sporazuma, te je isti i zaključen dana 15.06.2020. godine.

Dana 19.06.2020. godine zaključen je i Ugovor o nabavci i isporuci prehrambenih artikala za potrebe boračke populacije u svrhu ublažavanja posljedica pandemije sa izabranim ponuđačem.

Aktom, broj: 17-11-15322-29/20 od 08.07.2020. godine, Kantonalna direkcija robnih rezervi je izvijestila Službu da je izvršen prijem robe od dobavljača MADI d.o.o. Tešanj, te da su odgovorne osobe koje su od boračkih organizacija bile ovlaštene za preuzimanje i podjelu paketa krajnjim korisnicima, iste i preuzeli na određenim lokacijama definisanim u Ugovoru, a prema dostavljenom aktu Ministarstva za boračka pitanja Zeničko-dobojskog kantona, broj: 13/03-2-5-11-5322-16/20 od 23.06.2020. godine.

Dana 23.09.2020. godine, Kantonalna direkcija robnih rezervi je uputila Službi akt, broj: 17-11-5322-30/20, kojim informiše Službu da je u proteklom periodu izvršena i konačna raspodjela prehrambenih artikala u skladu sa zaključenim sporazumom, te da je u svih 12 (dvanaest) općina Zeničko-dobojskog kantona krajnjim korisnicima podjeljeno:

1. 11.043 komada brašna pšeničnog brašna (pakovano u vreće po 25 kg),
2. 16.565 komada jestivog ulja po 1 litar (pakovano u PVC bocama),
3. 5.526 komada kuhinjske soli po 1 kg (pakovano u PVC vrećicama),
4. 11.048 komada šećera sitnog po 1 kg (pakovano u PVC vrećicama) i
5. 11.046 komada riže po 1 kg (pakovano u PVC vrećicama).

Ukupno evidentirani gubici prouzročeni transportom i manipulacijom robama prilikom raspodjele su bili:

1. 8 komada brašna pšeničnog brašna (pakovano u vreće po 25 kg),
2. 65 komada jestivog ulja po 1 litar (pakovano u PVC bocama),
3. 5 komada kuhinjske soli po 1 kg (pakovano u PVC vrećicama),
4. 47 komada šećera sitnog po 1 kg (pakovano u PVC vrećicama) i
5. 20 komada riže po 1 kg (pakovano u PVC vrećicama).

Kantonalna direkcija robnih rezervi je navedenim aktom, informisala Službu da nakon izvršene podjele krajnjim korisnicima, u skladu sa dobijenim Kriterijima za raspodjelu prehrambenih artikala, broj: 13/03-2-5-11-5322-16/20 od 23.06.2020. godine, Ministarstva za boračka pitanja, u skladištu Direkcije su ostale nepodjeljene cca 33,2 tone prehrambenih artikala, i to:

1. 1.149 komada brašna pšeničnog brašna (pakovano u vreće po 25 kg),
2. 1.670 komada jestivog ulja po 1 litar (pakovano u PVC bocama),
3. 569 komada kuhinjske soli po 1 kg (pakovano u PVC vrećicama),
4. 1.105 komada šećera sitnog po 1 kg (pakovano u PVC vrećicama) i
5. 1.134 komada riže po 1 kg (pakovano u PVC vrećicama).

Direkcija je također upozorila Službu na činjenicu da skladište u kojem su trenutno smješteni preostali prehrambeni artikli, ne ispunjava sanitarno-higijenske, mikroklimatske kao ni druge uslove potrebne za dugotrajnije skladištenje istih, te da može doći do ozbiljnog narušavanja kvaliteta i kvantiteta većine artikala, te da pojedinim artiklima ističe rok upotrebe već u junu 2021. godine.

Sumirajući kompletan posao za koji je Služba za zajedničke poslove bila zadužena po navedenim aktima, a imajući u vidu gore navedeno informišemo vas da je Služba za zajedničke poslove izvršila nabavku prehrambenih artikala za potrebe boračke populacije na osnovu zahtjeva Ministarstva za boračka pitanja, potpisala Ugovor o nabavci i isporuci prehrambenih artikala za potrebe boračke populacije u svrhu ublažavanja posljedica pandemije i da je u skladu sa zaključenim Sporazumom sa Kantonalnom direkcijom robnih rezervi izvršen prijem, skladištenje i raspodjela prehrambenih artikala za potrebe boračke populacije.

Ministarstvo za boračka pitanja je Zahtjevom, broj: 13/03-2-1-11-5322-19/20 od 22.10.2020. godine, zatražilo od Službe da u što kraćem roku izda još 332 prehrambena paketa od preostale količine nabavljene robe za potrebe ministarstva. U zahtjevi je navedeno da 107 paketa je potrebno za pripadnike boračke populacije općine Zavidovići, a ostalo za pripadnike sa prostora RS-a.

Uzimajući u obzir gore navedeno, a u cilju hitnog rješavanja preostalih količina prehrambenih artikala na stanju, Služba kao ugovorni organ, dostavlja ovu Informaciju i stavlja preostale količine prehrambenih artikala nabavljenih za potrebe boračke populacije u svrhu ublažavanja posljedica pandemije Ministarstvu za boračka pitanja na raspolaganje.